

Konsert Amal Jalinan Ukhwah labuhkan tirai FKI'13

Oleh : Diana Zafira



Masnani (dua dari kiri) mewakili Timbalan Naib Canselor UMS ACP Datuk Haji Kasim bin Haji Mad Mansur menyampaikan cenderahati kepada perasmis majlis (tiga dari kiri) Ustaz Norjeli Hj. Dais, pemangku Pengarah JAKIM Cawangan Negeri Sabah.

AHAD, 28 APRIL - Konsert Amal Jalinan Ukhwah melabuhkan tirai Festival Kesenian Islam ke-13 (FKI'13). Berlangsung di Dewan Canselor Universiti Malaysia Sabah (UMS) bertemakan Beraksi

Bersama Islam. Konsert anjuran Unit Hal Ehwal Pelajar UMS dengan kerjasama Kolej Kediaman Anugerah Bestari (AB), Cemerlang Dinamik (CD), Excellent (E), IP dan USIA.

Majlis yang telah dirasmikan oleh Pemangku Pengarah Jabatan Kemajuan Islam (JAKIM) Cawangan Sabah Ustaz Norjeli Hj Dais turut dijayakan oleh Lembaga Tabung Haji, JAKIM, IM4U, Rejoice Tour, Muslim Care Syria, Aman Palestin, Kelab Rakan Masjid dan Persatuan Mahasiswa UMS selaku penaja rasmi.

Konsert ini telah diserikan dengan penampilan istimewa artis jemputan yang diterbangkan dari Semenanjung Malaysia. Antaranya adalah Imam Muda Asyraf, Munif (vokalis kumpulan Hijjaz dan Sham Kamikaze). Persembahan Konsert Amal ini juga menampilkan artis tempatan yang berasal dari negeri dibawah bayu,. Antaranya adalah Nazrey Johani (Bekas Vokalis Kumpulan Raihan) dan juga Kumpulan Qasidah Nurul Mustofa.